

# შეშვარს

# შეშვარს


იხიარის ტულა

ქუჩის № 13

27 მარტი, 1911 წ. შპსი 10 კპ.

ქუჩის კვირული გამომცემი

173



## მდინარესთან.

როცა ვუცქერი მდინარეს,  
თავი სიზმარში მგონია.  
გრძნობას ვეძლევი მძინარეს,  
ფიქრი ვერ შემიწონია...  
სიღრმე არ უჩანს, ნაპირი,  
დაუძლეველი ღონია.  
მირბის ტალღათა ნახირი,  
დიდნი და მომცირონია,  
თვალთა ხედვასა მტაცებენ  
ლტოლვანი უსაზღვრონია...  
გულს მოღლილობით ავსებენ  
სულს აღარ უჩანს ფონია,  
მგავსი რამ მედიდურება  
ზღაპრებში გამიგონია.  
ცხადი კი არ მეყურება  
იგი სიზმარი მგონია!  
მიცურავს, როგორც ვეშაპი  
მისდევს ალ-ქაჯთა ბრბონია,—  
მიიმდერს ეშმაკივითა  
თითქოს ყამნი და ღრონია...  
კაცთა ცხოვრებას მაგონებს,  
სადაც მე საქმე მქონია;  
იქ ტალღა ტალღას აგორებს  
და მმა ძმას დაუშონია;  
ძალა სინდისზე შემჯდარა  
და თავი მეფე ჰგონია,  
მართალი განზე გამდგარა,  
რისხვა ვერ შეუწონია...  
უფლება მისი მონაა,  
ვისაც იქ ძალა ჰქონია,  
ოქრო ღღეს მისი წონაა,  
სულის უსულო ღონია!  
მზე კი მაღლიდან დასცქერის,  
მას ყველა ერთი ჰგონია.  
... ცხოვრება ღელავს, მდინარებს,  
ღრო მიჰქრის, როგორც შურდული.

მდინარეც მირბის, მძინვარებს,  
ბედის სიმღერა ქურდული,  
მე ვსდგევარ, თვალებს ვაშტერებ  
და წინ ფიქრების ზვავია;  
არც ოცნებაა ნაკლები  
თუმც სინამდვილე მწვავია!—  
კარგი რომ ყველაფერსა აქვს  
საზომი, თავის დონია,  
მაგრამ სიცხადეს რათა ჰგავს,  
რაც ზღაპრათ გამიგონია?  
რა მიხსნის,—მემაცხოვრება,  
ჯერაც ვერ მომიგონია  
და მდინარესთან ცხოვრებაც  
ისევ სიზმარი მგონია...  
ხშირათ ის დავიწყებულა,  
რაც მართებულათ გვდომხია:  
ვკითხოთ: სად დაბადებულა?—  
სათავე სადა ჰქონია?!  
... გავიგე, მივხედი მართალსა:  
სად ბოლო, იქვე თავია,  
ზღვაა იმისი სათავე  
და იგივე შესართავია!—  
იქნება ეხლა ვისწავლო  
მისი კარგი და ავია...  
... მაგრამ, ხომ იცი, ჰმორჩილებს  
ყველა განსაზღვრულ ბრუნვასა,  
გახსოვდეს ნუ დაივიწყებ  
ღღეს გუმინდელის ზრუნვასა!..

ვ. ტუქსიშვილი.



## მასალები ქართული ლექსიკონისათვის.

(გაგრძელება)

„ა ბ ა დ ე ლ ი ა“. ძნელი გამოსარკვევია, თუ საიდან წარმოსდგა სიტყვა „აბადელია“. თუ მივიღებთ მხედველობაში იმ გარემოებას, რომ ეგ სიმღერა შეადგენს უსაყვარლეს ჰანგს ქუთათურ გაკოტრებულ თავად-აზნაურობისას და აგრეთვე მოქეიფე, უსაქმო, ინტელიგენ-

ტებისას, იმ დასკვნამდე მივალთ, რომ სიტყვა „აბადელია“ არის წარმოშობილი ორი ქართული სიტყვისაგან: „აბა“ და „დალიე“

ლექსი:

„აბა დელი, დელია, დელია,  
საქართველო ჩვენია, ჩვენია,“

უთუოდ ასე უნდა აიხსნას: .აბა ყმაწვილებო! დალიეთ, დალიეთ, საქართველო ხომ მაინც ჩვენია!“ . მართლაც სასიამოვნო მოსასმენია ეს ჰანგი, როცა ეტლში მჯდომარე ქუთათურ თავადთა ბრწყინვალე ყაყრანტოსაგან ფერმისა და ქომის არე მარეს მოეფინება ხოლმე. ვისაც ასეთი სურათი არ უნახავს, იგი ვერასოდეს ვერ გაიგებს ლად ბუნებას ქუთათურ ახალგაზრდებისას, რომელნიც ეგზომ ეტრ ფიან საქართველოს.

ა ბ ა რ გ ვ ა .

„აბარგვა“, ზმნებში, ყველაზე მეტათ ღირს მნიშვნელოვანი სიტყვაა. ზმნა ესე წარმოსდგება სიტყვა ბარგისაგან. თავის დროზე უფრო ვრცლათ განემარტავთ სიტყვა „ბარგს“, მაგრამ ყოვლად შეუძლებელია აქაც არ შევეხოთ მას ორიოდ სიტყვით. ბარგი, ბარგი-ბარხანა, ხორაგი ანუ ხაბაკი ეწოდება იმ საშინაო ნივთებს, რომლებსაც იღებენ გლეხებისაგან, როცა მას გადასახადის ფულათ გადახდა არ შეუძლია. (ქვაბი, წალდი, ცული, თუნგი, ტაფა, ლები, საბანი, თოხი, ბუდე ქათმისა, ტაშტი და სხ.) აბარგვა, მაშასადამე, ნიშნავს იმგვარ ბარგით ერთი ადგილიდან მეორეზე გადასვლას. მაგალითისთვის დავასახელებთ რაოდენიმე სახეს აბარგვისას. ა) აბარგვა „მაუნიციპალური“ — ეს გახლავთ ის სახე აბარგვისა, რომლითაც თფილისის მამები ერეკებოდნენ ქალაქის განაპირა უბნებში ჩასახლებულ ღარიბ ლატაკებს. ამის შესახებ ბევრი დაწერილა ქართულ ქურონალ-გაზეთობაში. ბ) „აბარგვა თავად აზნაურული“ უმეტესად ეხება იმ უებდურ ჯიქს ქართველებისას, რომლებსაც ხიზნებს ეძახიან. ისინი, როგორც მოსახლენი ბატონის მამულზე, ვალდებული არიან აიბარგონ, როცა ბატონს მოეხალისება. ამის შესახებაც ბევრი დაწერილა (სურამის ახლო მახლო ადგილებიდან) ჩვენს პრესაში. მესამე სახე აბარგვისა გახლავთ ყველასაგან კარგათ ცნობილი გ) „აბარგვა ადმინისტრაციული“. არა მგონია ვისმესთვის და მით უმეტეს ლექსიკონის შემდგენელთათვის საჭირო იყოს ამ მესამე სახის აბარგვის განმარტება.

„აბა ჩემო მანასეო, ხან ისე და ხან ასეო“ ვიდრე ამ ანდაზის ახსნა განმარტებას შევეუდგებოდეთ, საჭიროდ მიმაჩნია აღვძრა საკითხი: ზომავალ ქართულ ლექსიკონში რჩეული ანდაზების შეტანის შესახებ. ეს წინადადება მართალია ხარჯს გამოიწვევს ცოტას, მაგრამ სარგებლობა დიდი ექნება. აი, მაგალითად, ანდაზა ზემორე მოყვანილი. თუ ჩვენ მის გონივრულ აზრს ჯეროვანად დაუეკვირდებით, ნათლათ გავარკვევთ, თუ ვითარ აშკარა გამომხატველია იგი დღევანდელი „მანასეებისა“. გადავლეთ თვალი უკანასკნელი ხუთი ექვსი წლის ცხოვრებას, გაიცანით მისი მომქმედი პირები და დაინახავთ, თუ რაოდენი „მანასეები“ ჰყოლია ბედნიერ საქართველოს, რომელნიც თანახმად ამ ანდაზისა საჭიროების დროს, ხან ასე და ხან ისე „იქცეოდნენ. ვინაიდან ანდაზა ესე არის წმინდა ეროვნული, ანუ უკეთ ვთქვათ, არ არის პარტიული, ამიტომ მის დარიგებას ერთნაირად მიჰყვება მთელი ქართველი ერი. ჩემის აზრით ეგ ის, „საერთო ნიადაგია“, რომელზედაც განვლილ წლებში ეგრე ოცნებობდა ბ-ნი არჩილ ჯორჯაძე. გავიხსენოთ თუ გნებავთ ქუთათურ თავად-აზნაურთა „ავტონომისტობა“ 1905 წლისა, ვინ იტყვის რომ მაშინ „ისე“ არ იყო საჭირო ბრწყინვალე წოდებისათვის? გაიხსენეთ მოძღვართა მიერ დრამა ფულზე ვარის თქმა იმავე 1905 წელში და სთქვით: იყო თუ არა საჭირო „ისე“ იმ დროს და „ასე“, როგორც ახლა იქცევინ, ამ დროს? აღნიშნულ ანდაზას უფრო დიდი ნიადაგი რწმენის სფეროში აქვს და ამ მხრით იგი სწორეთ რომ ყურადღების ღირსია შეტანილ იქმნას ქართულ ლექსიკონში, თუნდაც ამ ბედნიერებაზე უარ

ეყოს დანარჩენ ქართულ ანდაზებს, ჩვენებურ პრინციპების „მანასებზე“ მე აქ სიტყვას აღარ გავაგრძელებ, ვინაიდან ეგ ისეთი აშკარა საქმეა, რომელსაც თვით ივანე როსტომოვილიც კი მიხვდება \*)

ეზმაკი.

## ჩ ა ნ გ უ რ ს.

ხელში ავიღე ჩანგური,  
სიმებს ჩამოვკარ თითები.  
შევაკოწიწე ერთმანეთს  
ნაძიძგნი გულის ფლითები;

შიგ გრძნობის კოცონს ავანთებ,  
ვადარებ უშრეტ კერასა,  
მაშ აწკრიალდი, ჩანგურო!  
სიმებო, თქვენსა ჟღერასა!..

მიყვარს მე თქვენი მწყობრი ხმა,  
კაეშნით სავსე თრითინი,  
მიყვარს მე თქვენი წკრიალი,  
მიყვარს მე თქვენი ქვითინი...

მწუხრის ბინდ-ბუნდსა მოუცვავს,  
მღუმარებს ჩაგრულთ უბანი:  
მისუსტდა, მისწყდა ჩანგის ხმა,  
ჩატყდა, ჩაქინდა ებანი;

ცა ჩამოსცქერის პირშავათ,  
ელავს, ვახვახებს ქუხილი.  
ჩაგრულთ უბანში გლოვავა,  
ქვითინი და ყრუ წუხილი.

რაზედ სწუხს ჩაგრულთ უბანი?  
აი, საკითხიც ესაა!  
ამის უსიტყვო პასუხი,  
სიმებო, თქვენი კვენსა!..

სევდით გასცქერის წალკოტი,  
პარტახათ გადაქცეული,  
ზედ დაძრწრის ტურა, აფთარი  
და ზღვის ნიანგი, წყეული.

ვარდისა გაცრცვნილ ბუჩქზედა  
კვენეს, სტირის ცისკრის მგოსანი  
ცრემლით სველდება ქვეშ ია

და იქვე იზი სოსანი  
ს ნეტა, მგოსანი წაათ სტირის!  
აი, საკითხიც ესაა!

ამის უსიტყვო პასუხიც,  
სიმებო, თქვენი კვენსა!..


მალლობზე მოსჩანს ჭაბუკი  
ცრემლი სდის ღაბა-ღუბითა  
და დამქნარს ტრფობის ყვაილს კი  
მაინც ატარებს უბითა.

იწვევს, ეძახის ვილიცას  
ამოდ! არ ისმის პასუხი.  
ბოღმა-ღა ისმის ჭაბუკის  
მკერდიდგინ ამონაქუხი.  
ვის იწვევს? რათ არ ისმენენ?!  
და სავალალოც ესაა!

ამის უსიტყვო პასუხიც,  
სიმებო, თქვენი კვენსა!..

უთქვენოთ, აბა, რას ვაქნევ  
უსაზღვრო გულის ძგერასა?  
მაშ იწკრიალე, ჩანგურო!  
სიმებო თქვენსა ჟღერასა!..

ნ ზომღეთელი.



\*) შეიძლება ვინმემ გაგვიმტყუნოს ამ საზომის ხმარება მწერლობაში და ისიც ასე ზუირათ- მათი ნებაა. მე კი მგონია, რომ ეგ საზომი საუკეთესო საზომია, ვინაიდან ის ანბანური ჭეშმარიტება, რომელსაც ბ-ნი როსტომოვილის ნათელი თავი დასძლევს, აღარ შეიძლება ვისმესთვის გაუგებარი დარჩეს. ეგ საზომი არის ეგრეთწოდებულ მინიმალური საზომი.

# როგორ გადაყვა თავ. გოჯასპირ თავის ულვაშებს

(დასასრულად)

გოჯასპირმა მაშინვე მოაყვანა პარიკმახერი და დაეკითხა:

— შეგიძლია ულვაში მომპარსო?

— ვა! მაშ ხელობა რა არის!— მიუგო პარიკმახერმა.

— კეთილი!— ისიც შეგიძლია, რომ იმ ულვაშის პარიკი გამოიკეთო?

— რატომ არა.— ადვილია!

— მაშ კარგი, მომპარსე, მაგრამ ერთი ღერიც არ დაჰკარგო!.. ისეთი პარიკი უნდა გამოიკეთო, რომ ჩემი ულვაშებისთანა იყოს! და აჰა, ესეც შენ! ჩაუღვა ხელში ოქრო. პარიკმახერი შეჩერდა და უკან ვე უნდოდა დაებრუნებია ოქრო: ხურდა არ გახლავსო! მაგრამ გოჯასპირმა ღიმილით უთხრა: არა, ეგ სულ შენია და ერთ ოქროსაც, რომ მომიტან მაშინ მოგცემ, მაგრამ იმ პირობით კი, რომ არსად წამოგდღეს-რა.

— გავქვავდები, დავმუნჯდები, კრინტს არ დაგძრამ, მიუგო გახარებულმა პარიკმახერმა და ჩამოპარსა ულვაში. მერე მოწიწებით აკრიფა ღერაღერა, გამოახვია ქალაღღში და გაუღდა გზას. უულვაშო გოჯასპირმა ულვაშაკრით აიკრა საულვაშე და მაშინვე ქვეშაგებში ჩაწვა ავადმყოფად. მესამე დღეს მოუტანეს ულვაშების პარიკი. გოჯასპირმა გაიკეთა ჩაიხედა სარკეში და რომ დაინახა ისევე თავისი ულვაში, სახე გაუნათლდა და თუმნიანი უბოძა გახარებულ პარიკმახერს... გამოხვია პარიკი ქალაღღში, დადვა კრაოტზე, თავითი ახლოს, და თავი მისცა ოცნებას: დიდება შენს სახელს ღმერთო! სანამდი მიდის განათლება?... მართალი უთქვამთ: „ხერხი სჯობია ღონესა, თუ კაცი მოიგონებსაო“... და სხვანი.

სანამ ის ოცნებას გაათავებდა, ღია კარებში შემოვიდა ძალი. მისუნ-მოისუნა, ქონიანი ქალაღღში რომ დაინახა რაღაცა გამოხვეული, დაავლო პირი და გავარდა გარეთ. გოჯასპირი თვალდაქეცილი წამოხტა ზეზე პერანგა, თავ-შიშველა, ფეხ-შიშველა და გამოუღდა ძალი. დიდხანს აღარ შემობრუნებულა შინ და რომ დაბრუნდა, მისთანა შენს მტერს, ადამიანის ნიშან-წყალი აღარ ჰქონებია!.. გაწუწული, გათხუნული, ძლივს მიუჯდა ბუხარს... სხვა დროს ეგება არა დამართოდა-რა, მაგრამ ახლა კი, ამ შეწუხებულ გულზე, ველარ აიტანა გაცივება, და გაუჩნდა ანთება. სამი კვირე გასტანა ავადმყოფობამ. სულ უსან-უკან მიდაოდა. ნაღველი ბევრი გაუღდეს, ნაწყენი არ იყოსო, გამოლოც-

ვითაც ბევრჯელ გამოულოცეს, ეგებ თვალ-ნაკრავი იყოს და არგებსო, ოფლიც ბევრი ადინეს. საბნები რომ აღარ აკმარეს, თავზედ დააწვენ, სიმწრის ოფლი ადინეს, მაგრამ მაინც არა ეშველა რა!.. ისე უულვაშოთ გაქიმა ფეხები!.. ჩვეულებისამებრ ჩადვეს კუბოში ქირისუფლებმა და გაიმართა ჩვეულებრივი ტირილი: მოდიოდენ ნაცნობები და მოთქმით სტიროდენ. გასვენების დღეს, გამოსათხოვარი ტირილი იყო ზარით დანიშნული და ისე გამწარებით მოთქვამდენ დიდი და პატარა, რომ კაცს ეგონებოდა და ცა და ქვეყანა იქცევაო. უტბათ, ვილაცამ დაიყვირა: გაწყვიტეთ ზარი, სიკო მოდისო! სიკო განთქმული იყო, როგორც პირველი მომტირალი. მისი მოთქმა ყველას უნდოდა გაეგონა დაამიტომაც მიწყნარდა ხმაურობა. შემოვიდა სიკო, თან ორი კაცი მოჰყვებოდა; მხიარული სახით, თითქოს აქ არაფერი ამბავიაო გაჩერდა შუა ოთახში და მიუბრუნდა მკვდარს: გამარჯობა შენი!.. გამარჯობა მეთქი!... არ გესმის, თუ რავა არის შენი საქმე?..

რამდენ ფრახას გაათავებდა, იმდენს სხვა მომტირლები ჩაიქვითინებდენ ხოლომე, გულ-მომკვდარი.

— ხომ არ გძინავს, მანგრე რომ წამოაპლაკულხარ ამ შუადღისას? კი მარამ რა დროს ძილია? გულ-შეწუხებული ხომ, არ ხარ? აბა მაჯა მაჩვენე შენი!.. ციია!.. გამოთხოვებინარ ამ სოფელს? ვაი ჩემს მოსწრებასო, და მიუჩოქა კუბოს, თავში ხელის ტყაპუნით. მიმყოლები მივარდენ, წაავლეს ხელი იქით-აქეთ ვითომ გააკავეს სიკო იწმანებოდა, იგრიბოდა რაც შეეძლო და სცდილობდა ვითომ, რომ წვერ-ულვაში დაეგლიჯა. — ვაი ჩემს მოსწრებას, რაღათ მინდა თავი ცოცხალი! დავკარგე მარამ ვინ? შენ გიტრო, თუ შენი საარაკო ულვაშები?

— სულაც მაგ ულვაშებს გადაჰყვა საცოდავი! მოაპარსვიეს იმ ურჯულოებმა!.. მიატირა გოჯასპირის ცოლმა.

— როგორ თუ მოაპარსვიეს?! ის საარაკო ულვაში, გვარის დასამშვენებელი?! ასე ჩალა-ბზესავით ჩამოხადეს ულვაშ-ბატონობა?..

— სადღაა გენაცვალეთ, ახლანდელ დროში სამართალი?

— მოპარსული მაინც სადღაა? რატომ თან არ ჩაატანეთ მისი შევენება კუბოში და ისე არ გაისტუმრებთ საიქიოს?

— სადღაა, გენაცვალეთ, ძალითა მოიტაცააა!.. სულაც იმას გადაჰყვა ეგ უბედური. გამოუღდა,

რომ წაერთმია. იმ შეჩვენებულმა ძაღლმა მთელი ეზო შემოარბენია და მერე ვადაუხტა ღობეზევე!.. მაშინ გამიცვიდა იმ თოვლ-ქაპაში და ასე, ოხრად დამავდოო! ვაი ჩემს მოსწრებას!

— ვაი ჩემს მოსწრებასაც!.. აბა, მაგაზე ყოფილა ნათქვამი: „შენი უღვაშიო ძაღლის ფუნაშიო!“. ეს უკანასკნელი სიტყვები ისეთი მწუხარებით წარმოსთქვა, რომ თავი ველარავინ შეიმაგრა და ასტეხეს სიცილი. წამოცივდენ მომტირლები, ზოგი იქით კარში გავარდა და ზოგი აქეთ. მომყოლენიც ჩამოშორდენ, სიკოს ხელი გაუშვეს და დარჩა მარტო—მარტო დაჩოქილი სიკო. აღარ იცოდა რა უნდა ექნა. რომ ამდგარიყო თავისით არ ივარგებდა, განთქმული მომტირილის სახელი დაეკარგებო. და და ხელის მომკიდებელი კი აღარავინა ჰყავდა: ამისთანა განსაცდელში მყოფს მოაგონდა ხერხი-მიიხედა და კუთხეში დანახა გადაყრუებული დედა ბერი, გოჯასპირის დედა, თავ-ჩაქინდრული ქვითინებდა თავისთვის. უცბათ შეიქმუნა წარბები, მიიფარა შუბლზე ხელი და მიაცვირა: რავე შენ კიდევ ცოცხალი ხარ შე წაწყმენდილო? ამისთანა შვილის დამკარგავს, რაღა სასიცოცხლო პირი გაქვს? რაღაღ გინდა სიცოცხლე? მომიტანეთ ერთი ქვა, რომ დავკვრა და გავუტეხო თავი: ქვა! ქვა!.. იმე! რა გაგიჟირდათ ერთი უბრალო ქვა? არავის მოგაქვთ? მაშ ისევ მე უნდა მოვიტანო?—წამოვარდა ზეზე და გავარდა უცბათ კარში, ვითომ და ქვის მოსატანათ, მაგრამ გუნებაში კი თურმე სხვა ედვა: ჯორი ჰყავდა ღობეზე მიბმული, ახსნა, მოახტა უნაგირს და გაქუსლა შინისკენ. დედა-ბერი კი კარებისკენ შეშინებული იყურებოდა: შემოიტანს ქვასო, მაგრამ რომ დაავიანდა დამშვიდა ცოლმაც აიღო თავი, მიიხედა, ღოიხედა და ოთხში რომ ბერი ველარავინ დანახა, ერთი დაიკვილა სიმწრით: ვაი ამისთანა სიკვდილსო და გულ-შემოყრილი გაგორდა ხალიჩაზე.—

აკაკი.



# მესტვირუდი.

(ბათუმ-ი ფილისის თვის)

ბათუმს თფილისმა მოსწერა:

—„დედინაცვალო—დედაო! შენც გაიგებდი ჩემს ამბავს, ბევრს რას ვწერ ამაზედაო, თავზე სირცხვილი დამატყდა მშველელს კი ვერა ვხედაო, მომარტყეს მოულოდნელი პანდური ზედიზედაო, ვინც რომ მოყვარე მეგონა, სწორედ ის მეთავზედაო: სიმართლე აღარ გამიდის, რაღა ექნა, ვის რა ვედავო! ვცან ნიშადურის სიმუხთლე და სიტყვას ველარ ვებედავო მხოლოდ შენ მყავხარ ნუგეშად რა ამან მაიმედაო.

დედა-შვილობას გაფიცებ, გენუკვი ამაზედაო, მაქ რომ ყმაწვილი დაგისვამს მომალლოთ, ორ სკამზედაო, იგი დამითმე როგორმე (ეს მითხოვნია შენდაო, რომ ეგებ ჩემი ქალაქი... ეს ახლა გამახსენდაო) გაკეთდეს, როგორც „ბათუმი აყავადა და აშენდაო“.

ბათუმმა ასე მისწერა:

—სიკვდილი ჩემი მალეო!.. ვინ გაგაწებლებს მაგაზე, მიირთვი გენაცვალო!.. ჩემი საფასით მოგართმევ, ელოდე დღეს, ან ხვალეო. დიდ მადლობასაც მოგიძღვნე, რომ ადრე გამაცალეო. ეგების კიდევ გენებოს სხვა ვინმე... შემოსთვალეო, მაგის ერთგული კუდები ძმა ბიჭნი, მოსაშვალეო, ყველას მოგართმევ, შენ ოღონდ მომწერე, დამაფალეო, და რაც სიკეთე გამოორჩე მას, ვისაც მიენდვალეო, იგი წლის ბოლოს გასინჯე და კარგათ დაითვალეო.

მომირთმევი, რაც მოხოვე  
 თავისი ორი სკამითო,  
 ერთზე არ ძალუძს დაჯდომა  
 (ან კი რაუჭირს ამითო!)  
 ტურები გამოყვებიან,  
 კლოკების მოსასხამითო,  
 მაჩვები სიტყვებს ეტყვიან  
 მაძღრები მეტი ჭამითო.  
 თავგები „მრავალ ქამიერს“  
 უმღერენ მცირე ქამითო  
 „მაყრულს“, ქალაქის ყრუ მუნჯნი  
 ეტყვიან ერთის ღამითო.

ა. ბლიკვაძე.



გურული სცენა.

(თოვლის ამბავი.)

გვესტუმრეთ ბატონი კალანდა--გატოენდა სი  
 ათასი. ვიერხვეთ ქათამიც: სი დედა, სი მამა, სი  
 მისი მახინჯო: გათენდა ქათამიფერხვა მორე დღეი  
 და გვიფერხვა კიდევ თოვლა. შერე რომ იტყვე თო-  
 ვლის მოსლამდი რა დრო იდგა: გადაწმენდილი, გადაიერ-  
 კაუბული. ცას მტერი მოსდიოდა--ატამი აუვაუბული,  
 ფურცელ დამდიდრებული იყო. ქე ასრულდა რომ იტ-  
 ვიან: მარკალიტათ კბილებ დახვანული დედა-ბერი რომ  
 გასათსოვარ ქალიშვილსავით გამე-მზანსკება მიერიდო —  
 ასთე ყო სწორეთ--დედაბერი ზამთარი ქალიშვილს გავ-  
 და ქათამიფერხვა შეორე დღემდი--აკია უმარული არ  
 ქანდა შეცხებული.სამ იანვარს იგიც შეიცხო, მან რაფერ  
 შეიცხო, სულ თლა გამოიცვალა ფერი. გათოვდა მან  
 რა გათოვდა, წამობარდნა, დაფარა. მიწა, სახლი, ხეი,  
 ხუჯა, ნალი, სადორე და ყორიფელი. დილას რომ თოვა  
 დეიწეთ, სადამოს სახლმა დეიწეთ წიწვინ წიწვინი.  
 გვესვით ხელი დახვებულეთ--გეისვა იმ კანძან  
 ხელი და ასჯერ მეტი დაფარა სეთ. ვხვებულეთ აურის, აურის  
 ვხვებულეთ--გაკავდა გზი, შეიერა წისქვილი (ისეშეიერა  
 კბილები ჩემს ავის მდამქლს) დამან ჭაში წვალი, დეი-  
 ლია საფეკვილეში ფეკვილი, გათავდა ზვინზე ჩადა, გათავდა  
 შეშა, (გაკვიმუდა დამაწეფარა) ატირდა ბანები, აგან-

კალდა ქალა, აგნაფლდა კატა, აგრიანდა ქათამი, აბლავლ-  
 და ძროხა, აემუვილდა ძაღლი, აჭინვინდა ცხენი--მი-  
 შიკადა ყორიფელსა და და აფერას დასაპურებელი--შეიქ-  
 ნა ერთი ასკარიე დასვარიე--განდა სახლში ვოვოხეთი  
 ზეილან ვოვოხეთი, ეზოში ვოვოხეთი, შინ ვოვოხეთი,  
 მოდი და გუუქელი. მუაწვა მან რა მუაწვა--დაფარა მ-  
 რა რა დაფარა, დეიმადა ღობე, დეიმადა სახლები აღარ  
 გეირება უთხილანმუ--ათ გაძვირდა ყოლიფერი--სიძვი-  
 რეს ვინ ჩიკა რომ არ იშინება თვარა. კონს ჩადა ორი  
 შაური, ჭვირთი, შეშა ბანანის ჭვირთი, ორი ნახობა,  
 ერთი შენთება მეტი არა,სამი აბაზი. ქეიღს სა იშინი  
 კატრბანტი შეიქნა. სახლის დახვეტა სამი მანეთი (იგიც  
 აქოქიეს) შერე რაი, დილას დახვეტა სადამოს კიდევ უნ-  
 და დახვეტა და კიდევ გეშინა არ გამეინაგუთ არ და  
 გემეხოს თავზე ხო და დეილია შეშა ვეღარ მივაგენით  
 ღობეს დასადრეთ, დავწვით ჭერი, გათავდა ჭერი,  
 ვსტკუნეთ ნახი თხემლას, ვაშლს, მსხლას, ნიგოზს  
 ბოლოს, გადავწვით ყორიფელი, მან ეგერ სეთი, კეიქრა  
 ფხალ ავით, ხეტი და ხევიანი ქე დარჩა თოვლი დამი-  
 ლული. ვხარშეთ კეკალი სიმი'დი, მოხარშული მოგწვინ-  
 და ვათა:ურეთ. გავშარდით, გავშხამდით, ამოი სულა  
 და წაი--გი მოვადები, მან საფლავზე ვინ გაგიტანს--ან  
 სა მიავნებ შენ სამარხს? დილას ხეიტე, სელამოს ხეიტე  
 სახლიდან გადამონახვეტი რომ აღარ დეიტია ჩემს ეზო  
 ში შეზობლიდან ვიქირავე თოვლის დასაყარა დეილი --  
 კეიტანდა ვამომართვა ყოველ წელიწადს არ მომთხურო-  
 ხლა მივხთი რა კა ყოფილა სიღარიბე. ამისთანა  
 გაჭიკერების დროს სიმიდიდრეს სიღარიბე ჯობნება. ასე-  
 ნა დეიტომა კირილოვის ოჯახი, აცხონა მისმა სალო-  
 ცავმა აღიხანოვი. მის მიეწია (ჩინით ოჯახ, სხვათ არ  
 იფიქრეთ!) ტამბახოვი ჩემი დაწვიზა, დადაკვიზა, ჩემი  
 ოდა რომ არ დეიწვენ, ნალაიე არ მიებარავენ, ხულა-  
 არ წიედანდარებიენ მე გუუქელი იგინის ხვეტას? სა  
 იქნებოდა ჩემი ძე ღა და რბილი? სულთ ცოდვილო და  
 ახლა რავაც მივხთი ძალიან შივეცდეთ თურმე ჯაბადარს  
 აც--იმას რომ რაცხა გამოტირებული ორი კამეივი იყო-  
 წივების ბუქელიზა არ მიეხარჯა და დამწვრებისა მეცც-  
 იქნება ქე აგვეშენება რამე და ამოგვიშვებდა ახლა დი-  
 ლა-სადამოს იმისი ხვეტა.

ასშენა დემეტრე ხვეტების ოჯახიც (რავაც ჩემია ისე  
 მანც) იგინს დრამა ფულში რომ ძროხა არ წიედლეულებიენ  
 და თხი არ წიედლეულებიენ რა უთავადობდა ამ ზამთარ-  
 ში იგინის ჩადას? ავი რომ მივხთი ამისა ვიღობები  
 დემეტრე ნუ გუუქირებ ჩვენს გამჭირვებულს--იგინი  
 თურმე ჩვენი მოყვრები იყო და ამდენ ხანს მე აბდალამ  
 ავი ვერ მივხთი?!

პიტნა.

## სამსჯავროში წასვლის წინ.



მე კი დავიბან ხელს და იმ მსაჯულებზე იცინავ!

**სამწუხარო შეცდომა.** ეს ნომერი უკვე დაბეჭდილი იყო, როცა შევნიშნეთ, რომ პირველი გვერდის კარიკატურა უწარწერთ დაგვრჩენოდა. ბევრი ვიდარდეთ, მაგრამ რაღა ეშველებოდა. მივინდეთ ისევ მკითხველის გამკრიახობას, რომელიც იმედია იცნობს იმ ორ ბედაურსა და მათ მხედარს.

## ს ი მ ლ ე რ ა .

აზნა, აზნა ვაზრ ჩვეულო  
სიმხდალის ცრემლის დენასა;  
რაც დღემდის მწამდა, იგივე მწამს,  
ვერვინ შემიცვლის რწმენასა.

დიდი ხანია რაც ვიძიე  
ხალხის ჭირი და ვაება;  
ერთია ჩვენი მიზანი:  
— ვისსნათ ტყვე-ქმნილი ღვთაება!

გ. ქუჩიშვილი.



## ენუქას ანდერძი.

—:—

მოკვდა საბრალო ენუქა,  
დაობლდა გლეხის კარავი,  
გლოვის მანდილი მოედო,  
სიცოცხლის შეცამზარავი.

ქვითინებს ქვრივი სალომე,  
შვალზე ცრემლ შეუშრობელი  
არ არის მისთვის იმედი,  
არცა წუგემის მთხრობელი...  
ვალეები დარჩა ენუქას,  
ვინ არის გამსწორებელი?

ვიციტ, რომ სოფლის ხუცესი  
ხარბი და უმადლარია;  
მისთვის სუყველა ერთია:  
ცოცხალია თუ მკვდარია,  
ყველას ერთგვარად ატყავებს  
და იმით გამადლარია.

სპირდონ ხუცესი ენუქას  
მოძღვარი იყო, ნაკურთხი,  
უწირა, წესი აუგო  
და დაუკურთხა საკურთხი,  
და ესე რა ჰყო უზრუნველ  
გლეხი ენუქას ცხონება,  
ნამდვდელ მსახურვეს ქვრივისა სთხოვს,  
(ქვრივის დარჩა ქმრისა ქონება)  
ქვრივმა კი რაქნას, არ იცის:  
რით გაისტუმროს ხუცესი,  
რითი გააძლას მოძღვარი  
ვით რიგი ითხოვს და წესი!  
ან მევალებს რა უთხრას?  
იმათი გასასტუმრები  
არ დარჩენია ენუქას  
მამულები და ქურები.  
ქობი, ეზო და საყანე...  
ესაა მთელი ქონება,  
რომელიც, ორს მსხვილ ვალთავან  
მხოლოდ ერთს შეეწონება.

ჩაფიქრდა ქვრივი და ბოლოს  
გააქრევირა გონებას:  
მოდის, მთლად ხუცესს გადავსცემ  
ენუქას ყოფილ ქონებას.

და როცა ფულის მოთხოვნით  
ერთ დღეს ესტუმრა მოძღვარი,  
იწყო მან მწარე ქვითინი,  
სტირის ცრემლებათ დამდნარი,

და ასე გულ ამომჯდარმა  
აუწყა მოძღვარს ამბავი:  
„მამო სპირდონ! მეუფემ  
გამწირა მე საცოდავი,  
რომ ვერ მოგართვი ამდენ ხანს  
ის თქვენ ხვედრი ფარები,  
ვერც გადმოგეცი აქამდის  
ენუქას დანაბარები,  
რაც სიკვდილის წინ, საბრალომ,  
მოასწრო, ჩემთვის რომ ეთქვა,  
სანამ არ გამომხელია,  
ის გულზე მოწვეს, როგორც ქვა.  
მითხრა: „სალომე, თუ მოვკვდე,  
დღე მიმეწუროს შავათო,  
ეს ჩემი ქობი გაჰყიდე  
ღვდეღეს მიეც საწირავათო“!  
—ღმერთმა აცხონოს ენუქა!  
უკეთეს რაღას იტყოდა!  
უფალმა ყველა შეუნდოს,  
რაც სიცოცხლეში შესცოდა.“...  
—„კიდევ ეს მითხრა“, განაგრძობს  
ქვრივი ხუცესთან საუბარს:  
ეს ეზოც, წესს რომ ამიგებს,  
საჩუქრათ მიეც ჩვენს მოძღვარს,  
საყანეც მიეც და სთხოვე  
ორმოცჯერ რომ მიწიროსო,  
იქნება ამან იმ ქვეყნათ  
ცოდვები შემიმციროსო“...  
—„ცოდვა კი არა... ცხონდება,  
უეჭველია ესაო,  
ამისთვის წირვაც ორმოც გზის  
თვით ღმერთმა დააწესაო!  
რალა თქმა, უნდა ცხონდება,  
ვინც ასეთს ანდერძს სტოვებსო,  
ღმერთი მღვდლის პატივის მცემელს  
ცოდვებს მთლად მიუტევებსო!“...  
და გული სპირდონ ხუცესის  
ატოკდა სიხარულითა.  
ფიქრობს: მომავალ კვირაში  
ჯიბეს აივსებს ფულითა.  
მაგრამ.. ჩუ! ვაი, რა ესმის!  
ქვრივი ლაპარაკს განაგრძობს,  
მან უფრო ქეზი მოიბა,  
მღვდლის აღტაცებას რო ატყობს.  
—„ვალეებიც დარჩა ცხონებულს  
ორასიოდე მანათი

# განკითხვა.

## I.

და დაგავალა, მოძღვარო,  
თქვენვე გადახდა ამათი!“.

— „ვალი, ორასი მანათი?!.  
ქონება — ასიც“ არა ღირს!!.  
გულს ელდა ეცა სახიერს  
და აღარ უღებს დანა პირს.

— „ვაი წაწყმედილს ენუქას.:  
ეს როგორ დაიბარაო?  
არა, შეილოსან, მომეცი  
ისევ ის ხვედრი ფარაო,  
ქოხი ეზო და საყანე  
ღმერთმა შენ მოგახმაროსო!“  
ქვრივი კი ყურსაც არ იბერტყს,  
ცხარე ცრემლები დაღვარა,  
თითქოს გულზედაც მოეშვა,  
მღვდელს რომ „ანდერძი“ ახარა..

ონისიმე.



ვოლიტიკური

## დებეშები.

**ღარკვეთი.** ვინაიდან „ხელ მარტო კაცა ქამა-  
შიაც ბრალია“, ე. ი. ვინაიდან ბ-ნმა ესაიაშვილმა  
მარტომ ვერ აღმოაჩინა საჭირო კორესპოდენტის  
ვინაობა, ითხოვეს სადაც ჯერ არს, რომ დაახმა-  
რონ მას კიდევ ორიოდ პოლიციელი ძაღლი.

**იქიდანვე.** უკუჩრებელი სენი მოედვა ადგილ-  
ობრივ „მონიტელიგენტო“ ხალხს. ექიმები დიდ სა-  
გონებელში არიან, ვინაიდან სენი გადამდებია. სახე-  
ლად მას „ფრაბი“ ეწოდება და უზომო ხარჯს  
თხოულობს.

**იქიდანვე.** ბ-ნი იესე კილასონია სამედიცინა-  
რო სამართალში იწვევს ყველას, ვინც იფიქრებს,  
რომ მის მიერ კარტში წანაგები ქანქარი ამხანაგე-  
ბის მიბრებული იყო და არა მისი საკუთარი. ვადას  
აძღვეს, დღიდან ამ წერილს გამოცხადებისა, ორ  
კვირას.

ეშმაკეული.

ნადვით და ფიქვით დაბურულ ხევში,  
სადა მზის სხივიც ვერ ჩასწვდებოდა,  
სადაც ბუნების ველურ სილადეს  
კაცისა ფეხი ძვირად ხედებოდა,  
სად მხოლოდ მხეცებს დაედოთ ბინა  
თავისუფალი ყმუილ-თარეში,  
დღეს ყაჩაღების ბრბოს ჩაებულა  
ამ მიყრუებულ არე მარეში...

თითქო ამათთვის შეზღუდულიყოს  
არე ქვეყნისა ვრცელი და ფართო,  
ყოველი წამი იყო ამათთვის,  
წამი საშიში და სახიფათო.

მცირე რამ შრიალ-ფაჩუნის ხმაზე  
გადმოიგდებდენ თოფს ანაზდათა  
და იარაღებ მომარჯვებულნი  
იყვენ სასტიკი ბრძოლისთვის მზათა.

ამ ბრბოს თან ახლდა ბელადი ფილო:  
მარდი, გულადი, ხალხში ცნობალი,  
ბევრჯელ ათას-გვარ თოკში გამძვრალი  
და ფოლადივით გამოწრთობილი.

მაგრამ ღღეს ფილო თავს აუად გრძნობდა,  
რაც ამხანაგებს არ დაუმალა:

— ძმებო, ამ კუთხეს უნდა გავშორდეთ,  
არა გვაქვს მეტი ღონე და ძალა.

მთავრობა გვეძებს... ამასთანავე  
ხალხიც გვიცქერის დღეს აღმაცერათ:  
შიშშილი მუდამ თავს დაგეტრიალებს,  
თითქმის ბუნებაც გადაგვექცა მტერათ.  
ხედავთ, ზამთარიც მოგვიახლოვდა,  
ძვალ-რბილში გვატანს ყინვა და ქარი,  
ხან ამ ხის ქვეშ ვართ, ხან იმ კლდის ძირა,  
ბინა არა გვაქვს თავ-შესაფარი!!

ოჰ, რომ შემეძლოს შინ დაბრუნება,  
პატიოსანი შრომა და გარჯა...

ოჰ, რა სიამით ვიწყებდი შრომას...  
თუ არ ვიშრომო, გამიხმეს მაჯა!..

თუ ვიშრომებდი, — კიდევ შემეძლო  
ალაღი ლუკმით თავისა რჩენა,  
მაგრამ რა ვქნა, რომ არ შემიძლია  
აშკარათ შრომა, იქ გამოჩენა?

ვიცი, რომ შრომას არ დამაცლიან...  
მაშინ, მშვიდობით საწყალო ფილო!!.  
ამ გვართ ისევ ძალ-უნებურ  
უნდა ეშმაკის გზას მოვექილო!!

უცებ, სტვენის ხმა მოისმა შორით.  
— კოტე იქნება! — წარმოსტკვეს ერთხმათ.  
ამათაც სტვენით ხმა მიაწოდეს;  
მათი აქ ყოფნა ანიშნეს კოტეს,

— რა ქენი ბიჭო?! საჩქაროთ ჰკითხეს  
ამხანაგებმა ახლათ მოსულსა,  
კოტეც მოუყვა დალაგებულად  
ამბებს განაგონს, თვლით ნახულსა:

— ყველგან ჯაშუში გამრავლებულა,  
დაბა-სოფლებში და მთელ მხარეში:  
დღეს ადრინდულათ არ შეგვიძლია  
არც გამოჩენა, აღარც თარეში.

სოფელში შიშით ველარ გავედი,  
რომ არ ჩავეგდე ჯაშუშს საფრთხეში,  
და, რომ საკბილო რამ დამეზვერა,  
იქვე ჩავსაფრდი გზის პირათ ტყეში.

ასე მოქცევით არც წამიგია,  
ის დრო და წუთი ღმერთმა დალოცა:  
გზაში გლენები ლაპარაკობდენ  
და გაიარეს ჩემს ახლო როცა,—

ყური დაუფგდე და ჩვენა იღბლათ  
ორიოდ სიტყვას ყური მოვკარი:  
პეტრე თიბაძეს, დღეს, აგერ ახლა,  
გაუყიდა უღელი ხარი.

პეტრესთვის მყიდველს დრო დაუნიშნავს:  
ფულს სადამოზე უთუოდ მისცემს.  
დროს ნუ დავკარგავთ, ჩვენც ამაღამვე  
თავზე დავესხათ, თუ ფილოც გვიჩვენს.

პეტრეს სახლი სდგას სოფლის ნაპირას  
გზას მე გასწავლით, მოდით, გავსწიოთ;  
იმას იქ ვერვინ მიეშველება  
თუნდ მთელი სახლიც რომ დავაქციოთ.

— ძალიან კარგი, დათანხმდა ფილო,  
სამგზავრო ფული ეგებ ვიშოვოთ,  
რადგან აქ დიდი საფრთხე მოგველის,  
ეს არე მარე უნდა დავტოვოთ.

უნდა შორს სადმე გადავიღუპოთ  
და არა გვეოფნის სამგზავროთ ფული.  
ექვს მანეთამდის ძლივას იქნება,  
დღემდის რაცა მაქვს შემონახული...

## II.

შუა ღამეა. სიჩუმე მკვდრული.  
თავს დასწოლია მთელ სოფელს ძილი,  
მხოლოთ არ სძინავთ პეტრეს და თებროს: —  
კუბოში უწევთ ვაჟკაცი შვილი.  
მეტე ტირილით ხმა ჩახლექიათ

და მოქანცულან საცოდავები:  
მომტირალებიც კუბოსთან სხედან  
ჩაუქინდრიათ დაბლა თავები.

ეტყობოდათ, რომ ძილი მოსელოდათ  
ბუნებას მათზე ეხმარა ძალა,  
მაგრამ ვაჟკაცის დაკარგვით დამწვართ  
აწ დასაწოლათ სადღა ეცალა?

ამ დროს, უეცრათ იქეკა კარმა.  
სანთელზე იწყეს ბრწყინვა თოფებმა  
და ხმის დაძვრაც-კი ველარ მოასწრეს  
ელდა-შიშისგან სახლში მყოფებმა,  
რომ ყაჩაღების ბელადმა ფილომ  
მკვახეთ შესძახა: — მოიტათ ფული...  
კრინტი არ დასძრათ, თორემ ეს არი  
თქვენთვის დადგება აწ აღსასრული.

გაქვავდა ყველა. მხოლოთღა პეტრე  
ლულლულდებს საწყლათ, როგორც შემოილი:  
— „ნუ ამოგვხოცავთ... ესეც გვეყოფა  
კუბოში გვიწევს ვაჟკაცი შვილი!“

ეს სთქვა საბრალომ და მიუთითა —  
მიცვალებული სადაც ესვენა,  
კუბოს დანახვით ყაჩაღთა ბელადს  
, „მიწა გასკდაო,“ — ისე ეჩვენა.

და წუთის წინათ ამაყათ მდგარი  
მოტყდა, მორბილდა, ელდით გაბრუნდა...  
გონს რომ მოვიდა, თავის ხელ-ქვეითთ  
ყაჩაღების ბრბოს მსწრაფლ მიუბრუნდა:

— შესდექით ძმებო!! დღეს ჩვენ აქ ვხედათ  
მთელი ოჯახის დიდ გასაქირსა;  
პატივი ეცით მიცვალებულსა,  
ცივთ დაუშვით თოფები ძირსა,

იქ წართმევაზე წუწვი იფიქრებს,  
სადაც პირ იქით შეწვენა უნდა!!  
ამხანაგებს რომ ეს სიტყვა უთხრა,  
ის ქირისუფლებს მსწრაფლ მიუბრუნდა:

— ქირისუფლებო, გთხოვთ გვაპატიოთ,  
რადგან „არ ცოდნა არ ცოდვა არი“,  
ჩვენ არ ვიცოდით, თუ ამ ოჯახში  
გედგათ ვაება და, გლოვის ზარი!.

მძიმეა თქვენი მწუხარება დღეს;  
უბედურება დიდი გწვევიათ  
და შემწეობაც თვით თქვენ გეკუთვნის  
ოჯახის ბურჯი რომ წაგცევიათ.

თუმც მართალია, ჩვენ არა გვაქს-რა  
და სანახევროთ გვტანჯავს შიმშილი,  
მაგრამ რაცა გვაქვს, მით შეგეწევით...

ღმერთმა აცხონოს ეგ თქვენი შვილი.“

ეს სთქვა და ფული მან კუბოს თავზე დააწყო წყნარათ და თავაზითა გარეთ გავიდა და თავისი ბრბო თან წაიყვანა... ვინ იცის სითა..

### III.

შემოდგომისა საღამო იყო. შუქს საოცნებოს აფრქვევდა მთვარე და მთელ სოფელში, მთელ მიდამოში ოფლს ღვრიდა ხალხი შრომის მოყვარე.

ჩვენი ნაცნობი მოხუცი პერე ეზოში იჯდა ყავარჯნით ხელში, მწარე ფიქრებით გარემოცული შორს გასტკბოდა სადღაც სივრცეში.

ბალ-მარნებიდან ხალხის ჟრიამულს ნიავე მწყნარი შორს მიმოჰფენდა და ეს ხმა მსმენელს უმალ ხიბლავდა, — ოცნების მხარეს გადააფრენდა.

იქ, შორს, ურმისა ქრიალის ხმამა გამოაღვიძა მიდამო წყნარი, და მეურმისა დინჯი ღიღინი შორით ისმოდა, ვით გლოვის ხარი.

მეურმის ხმაზე, მის დინჯ ღიღინზე, მძიმეთ მოაწვა პეტრეს გულს სევდა; სანამ ჯან-ლონე ჰქონდა ხომ ისიც სხვებივით შრომის უღელსა სწევდა?

— ნეტავ იმ ოჯახს, წარმოსთქვა პეტრემ, ვისაც შინა ყავს მშრომელი ხელი. მე-კი არსიდან მიჩანს დამხმარე ცარიელი შაქვს მარან-ბელელი.

მეც მყავდა შვილი, ვაჟკაცი, მუშა, და შეეხაროდი მას ერთად ერთსა... რაღა მიშავდა, რომ იგი ჩემთვის არ წაერთმია დალოცვილ ღმერთსა?

სამი ვაჟკაციც ვერ შეიძლებდა იმდენს, რაც იმას შინ შემოჰქონდა.. (აქ პეტრეს, უცებ ყაჩაღ ფიდოსგან ნათქვამი სიტყვა წამოაგონდა):

„ოჯახის ბურჯი წაგტყევათო!!“

ყაჩაღმა მითხრა და შემოცოდა, თან ნუგეში მცა და რაც შეეძლო, მოწყალე ხელიც გამოიმოწოდა !! აქ საწყალს პეტრეს ყაჩაღის შემდეგ ხუცესი გიგო წამოაგონდა

და ყაჩაღი რომ ღვდელს შეადარა, — ეს რასა ჰგავსო!.. — სთქვა და დალონდა:

ეშმაკის გზაზე მდგომ ყაჩაღს გულში კაცთ სიბრაღული თუ უწყერია, აბა მღვდელი ხომ უფლის გზაზე სდგას, თან ღმერთიც მუდამ პარს აკერია!!

და მერე რა ქნა?! — როცა ვტიროდნი, შვილი კუბოთი მესვენა შინა, მაშინ დაუდგა დღესასწაული, ფრთები შეისხა და მოიღონა.

ძველი მკვდრები და ახალი მკვდრები სუყველა მაშინ წამოაგონდა, თუმც იმ ძველ მკვდრების საწირავებზე რას ვიფიქრებდი, გულშიც არ მქონდა.

ეს დრამის ფული, ეს კოდის პური, რა შარი მომდო!! ოჰ, ღმერთო ჩემო! „მკვდარს შინ დავიღობო, არ დავმარხავო, რაც გმართებს — წინ — წინ თუ არ მომცემო!!“

მერე, რამდენი არ ვემუდარე, რამდენი ვკოცნე მუხლებზე მღვდელსა, მაგრამ მან სულ არ შეხედა იმ ღმერთს, რომელ ღმერთზედაც ჩვენ გვიშვერს ხელსა.

აბა, მკვდარს ხომ შინ ვერ დავაღობოდი!. ავდექ — გავყიდე უღელი ხარი; ამგვარათ ღვდელმა სრულად მომისპო უკანასკნელი რჩენის სახსარი.

ეშმაკის გზაზე მდგომმა ყაჩაღმა თუ-კი რომ იცის მადლი და ცოდვა, ღვთის მსახურ ღვდელსაც ნეტავ იმისგან კაცთ სიბრაღული ესწავლა ცოტა!..“

ეს სთქვა საბრალომ და ყავარჯენი ხელის კანკალით წინ დაიბჯინა, ძლივას წამოდგა, ბარბაცი იწყო და ოხვრა-კენესით შევიდა შინა..

ფონ-ტეფო



# გლეხის სიმღერა.

(დიდი ჯიხაში)

მინდა შევეკითხო ქვეყანას,  
 რაც გულს მიღონებს მარადა;  
 რათ გავრჩენილვართ, გლეხები  
 სხვათა საკრეჭავ ფარადა?  
 რისთვის გაემხდარვართ სხვათათვის  
 უხმო, უენო ჯარათა,  
 რათ გვეცემენ წიხლებს, მუჯღლუგუნს  
 აღარ გვაგდებენ არათა,  
 თუ არა საწველ საფურედ,  
 საქონლად მოსახმარათა?

რომელს გავუძლო არ ვიცი:  
 ოჯახს თუ ბატონებსაო,  
 მემამულეთა მუქარას,  
 თუ „სტრაჟის“ მათრახებსაო...  
 გასჭირდა ჩვენი ცხოვრება,  
 აღარ გავს არაფერსაო,  
 შინ ცოლ-შვილს ვეღარ აუველ,  
 გარეთ, მოყვარე—მტერსაო.  
 რაც შარშან ოფლი დავდვარე  
 წრეულს უნდება სხვებსაო.

მოგვადგებიან გზირები:  
 ყრილობა არის დღესაო,  
 არ დააუყოვნო წამოსვლა,  
 კარგათ გახსოვდეს ესაო,  
 თორემ მათრახი კურაძის  
 აგიურავებს წელსაო. .  
 მიღიხარ, აბა რას იზამ,  
 დაკარგავ საქმის დღესაო,  
 და თუ კი შედგა ყრილობა  
 მადლობა უთხარ ღმერთსაო.

ასე გვიცდნენ კვირეში  
 სამიოდ საქმის დღესაო,  
 და თუ რამ ტანჯვით ვიშოვეთ,  
 მიაქვთ ჩარჩ ბაცაცებსაო  
 ჩვენს გამოფხეკილს ჯიბეში  
 ქვეყანა ურევს ხელსაო:  
 „ბოჩიკმა“ ნოხი წამართვა  
 და მიუტანა ღვდელსაო,..  
 ეჰ, მოდი ბარემ სიკვდილო,  
 მოგვწყვიტე განსაცდელსაო.

კიკოლა ბიჭა

# ტ უ ვ ე

საამო სიომ დაიჩურჩულა...  
 რაღაც ძალუმად ატოკდა გული!..  
 ნუ თუ დაემხო ტახტი ზამთრისა  
 და ფრთებს ლაღად შლის აწ გაზაფხული!

ოჰ, მაშ გამიშვით, გააღეთ ჩქარა  
 ეგ დასამტვრევი გალიის კარი.  
 ცის კამარაში უნდა ვიფრინო,—  
 მიყვარს ლაყვარდი, მიყვარს მთა-ბარი.

იქ, ქალის პირად, ეხლა ენძელა  
 მზის სხივს უღიმის—ბედნიერია,  
 წარმტაც სინაზით თვალსა ადევნებს  
 წნაკადის ლიკლიკს პირ მორცხვი ია.

და ველ-მინდორი, ფართედ გაშლილი,  
 გულ-მკერდს იქარგავს, კაბას იჭრელებს,  
 ტყე ნელა ისხამს ლამაზ მწვანე ჩარდს  
 და ცელქ ნიაფთან მწარედ ჩურჩილებს.

ოჰ, მაშ გამიშვით, გააღეთ ჩქარა  
 ეგ დასამტვრევი გალიის კარი,  
 აზაფხულს უნდა მივესალამო,—  
 გული დავიტკბო მწარედ მკენესარი...

და, როს დაჰქროლებს მწუხრისა სიო:  
 ტყე საოცნებოდ მოემზადება,—  
 მაშინ დავუსტვენ და ჩემ სიმღერით  
 ირგვლივ მიდამო ახმაურდება.

იმ სიმღერაში უხვად ჩავაქსოვ,  
 რაც აგრე მტანჯავს, რაც მიქეჯნის გულს.  
 იქნებ მეგობარს მისწვდეს ჩემი ხმა  
 და ფიქრს მიმიხვდეს მგოსანს ბედით-კრულს.

ოჰ, მაშ გამიშვით, გააღეთ ჩქარა  
 ეგ დასამტვრევი გალიის კარი.  
 გაზაფხულს უნდა მივესალამო,—  
 გული დავიტკბო მწარედ მკენესარი.

ილ. რუხაძე

## ს ა ს ი ა მ ო ზ ნ ო

### დ ე ზ ე შ ე ბ ი.

**გორი.** კულტურის საქმე მდევის ნაბიჯით მიიწევს წინ. ძველი თეატრის შენობა დაანგრის, ხოლო ახლათ დაწყებული მალაზიებათ გადააკეთოს.

**ჩქ დანვე.** რათა ყოველივე აშკარა იყოს, ვიტყვით, რომ, „სახალხო უნივერსიტეტის“ საქმე ვერაფერით ვერ მიდის თით ხალხის საქმეებზე უკეთ. „პროფესორები“ გადადგენ, ვინაიდან გაფიცვა დასაბამითგანვე თან დაჰყვა მას.

**იქიდანვე.** აგერ რამდენი ხანია ბ-ნნი გიგო მა-  
ჩაბელი და მიხეილ ხიზანოვი შეუდგენ „ერთობის“  
ისტორიის შედგენას. ამისათვის მათ უკვე შეისწა-  
ვლეს შერლოკ ჰოლმსის თავ გადასავალი და სხვა  
ამგვარი საშიშარი ამბები

**იქიდანვე.** წვრილ ვაჭრებსა და მათ ნოქრებს  
განზრახვა აქვთ სამუშაო დღე 18 საათამდე შეამო-  
კლონ. ჰაი გიდი დროება! ამ ხუთი წლის წინეთ  
ასეთ შეღავათებზე ვინ გაბედავდა ოცნებობას.

გორელი.



**ლოთის სიმღერა.**

ჰარი, ჰარი, ჰარალალო ჰარალო!  
დაასხი, ძმავე, გამოცვალოთ ფიალა!  
ეჰ, როდემდის, როდემდის ვივალალო...  
წუთით შევბა ტანჯვამ გამიტილა!..  
შორს ქვითინი! ცრემლი ცრემლს აეკიდოს  
ცრემლშივ ჩაჰკვდეს სევდიანი სიმღერა .  
მაშ. წამების ჯვარი გულმა ვით ზიდოს,  
როცა სევდამ რწმენა ჩაჰკლა, დასერა?! .  
დაასხი, ძმავე, ღვინო! ღვინო მწყურია .  
წუთიერად დავივიწყებ ვაებას!  
დღეს მაჩუქა ღმერთმა ლუკმა-პურია;  
ვიქეიფოთ!.. ლოთობაში ვგრძნობ შევბას!..  
აბა, ღვინო! ჰარალალე, ჰარალე!..  
მეტი რავექნა? ბედკრულს ვერ გამოიგია...  
ღვინოს რად ვსაეამ? ნუ მკითხავ გენაცვალე;  
გზა სასტიკმა ცხოვრებამ ამირია!!

**ვ. გორგაძე.**



**სურვილი საჩხერისათვის.**

ვისურვებ, რომ საჩხერეში  
ხამკითხველო დაორსულდეს,  
იასონს და სევერიანს  
ბებობა მისი სურდეს:  
რომ მოეგოს მას მკითხველი,  
ვისაც წიგნის კითხვა სწყურდეს...  
(თუ კი არის კიდევ წიგნი  
და აქამდე არ გაქურდეს)

რომ ამბროსი ჩინჩალაძის  
მენდალს არა გაუჭირდეს  
და ბათლომეს ძირს, პადვალში,  
ღვინის შოვნა არ უჭირდეს  
იამბროსოს, იმენდალოს,  
იჩინ-ორდენ-იტემლაკოს,  
ქოლოშვილი ჯერ გალანძლოს

რომ საჩხერის მრეწველობას  
დაეხუტოს მარად თვალი,  
და სიმშილის მოლოდინში  
ვნახოთ ყველა დანამთვრალი.  
ქალებს კვლად ყოველ ღამე  
ეთამაშოთ ლოტო, კარტი . .  
ქვევით არ ვსწერ, ... თუმცა კიდევ  
ბევრი რამ მაქვს განსამარტი . . . .

ცაგუ.

ჩ ვ ე უ ლ ე ბ რ ი ვ ი

დ ე ჯ ე მ ე ბ ი .

ნანეიშვილისოული. გურიაში კარგათ ცნობილი ქველმომქმედი,ვარლამ ერისთავი, რომელმაც წინეთაც არა ერთხელ გააბედნიერა გაურია, ახლაც აშენებას უპირობს ჩვენს საზოგადოებას. ეს თანხა გახლავს მის მიერ ახლად სამჯავროში მოგებული ფული 1904 წლიდან იარმარკის მოცდენის გამო. ბოროტი ენები.-.



რედაქტორ გამომცემელი  
ბაიოზ ჯაჭვავიძე

ფოტო

სონი. მიჯნურს. „თუ ამას დამიბეჭდავთ, შემდეგში ყოველ ნომერზე გამომიგზავნოთ ორ-სამ ასეთ ლექსსაო“ იწერებით თქვენ. მეგობრული გაფრთხილება.

ზავ-სოფელი. კლიავს. ძლიერ აღრე შემოსულხართ. ამიტომაც ეტყობა თქვენს „ლექსს“ მეთის მეტი სიმკვახე.

ჯესტაფონი. ვირთხას. გვიკვირს თქვენც რომ „ეშმაკის მახეს“ ეტანებით.

საღმე. უცნობს. თქვენ რომ უკუღმართი არ იყოთ, პოეტურ ნიქს არა ხართ მოკლებული-ი ერთი კუბლეტი:

„ოდეს არ იქნეს ამ ქვეყნად ჩემი არცა სხეული და არცა სახე,  
მიწათ ვიქნები გადაქცეული,  
მაშინ, გთხოვ, მხოლოდ ეს ლექსი ნახე“.  
ვეცდებით მოგიგონოთ.

მიიღება ხელის მოწერა ყოველ-კვირეულ იუმორისტულ ჟურნალ

„ეშმაკის მახე“

ჟურნალში მონაწილეობას იღებენ თითქმის ყველა ჩვენი ახალგაზრდა მწერალნი.

მთელი წლით ჟურნალი ღირს 5 მნეთი.

1/2 წლით — —	2 მნ. 50 კპ.
3 თვით — —	1 მნ. 50 კპ.
1 თვით — —	50 კპ.

ცალკე ნომერი 10 კპ.

ჟურნალში მიიღება აგრეთვე განცხადებებიც:

მთელი გვერდი 10 მანეთი.

1/2 გვერდი 5 „ „

1/4 გვერდი 3 „ „

თვიურსა და წლიურ განცხადებას ფასი რედაქციასთან მორიგებით აკლდება.

ყოველგვარი წერილები, აგრეთვე ჟურნალის დასაკვეთი ფული, უნდა გამოიგზავნოს ამ ადრესზე:

Тифлисъ. Въ редакцію журнала „ЕШМАКИСЪ МАХЕ“.

1587  
1911

ფირმა დაჯილდოვებულია წელის საუკეთესო ღირსებისათვის დიდი ოქროს და ვერცხლის მედალებით.

მოთხოვეთ ყოველგან და ყოველთვის

# მ. ლალიძის და აშხ.

ქარხნის საუკეთესო ხილეულ-მადნეულის წყალი.  
გემო და სურნელოვანება მშვენიერი აქვს.

მზადდება წმინდა ხილეულის წენისაგან და გამოხდილ წყლით. სპეციალისტის (ხიმიკოსი) მუდმივ ზედამხედველობით.

თფილისი

ქუთაისი

გოლოვინის პრ. № 6 ტელ. № 411

## ქ. ბ ა თ უ მ უ ი.

ქმ. გვალაქაიძის ჭურჭლეულობის მაღაზიაში  
ვიხაილოვების ქ. სახლი № 32

10 მარტიდან — 20 აპრილამდე

დანიშნულია

## დიდი იაფი ვაჭრობა

მაღაზიაში მოიპოვება ყოველგვარი ჭურჭლეულობა: ფარფორის, ფიანსის, ემალის, ბროლის, შუშის და სხვ. საქონლებისა. სამოვრები, ვენის წნული სეპაძეი, კრაოტები, სტოლა საფრები (კლიონკები) გიტარები, სამოსარეულოს სხვა და სხვა საჭირო ნივთები და სხვა-ვაიძედოვნებთ, რომ პატივცემული სასოკადოება არ დაგუტოვებს უეუზადღებოთ და პირადათ დარწმუნება საქონლის სიაფეში

პატივისცემით ქმ. გვალაქაიძი.

ეჭრო-მბჭდავი სტამბა ეს. კერესელიძისა გოლოვინის პრ. № 42.